

**Gbre wáraga bi Páwulo
eké zí 'yì ga bi simi
Koríndo
ní
Ledre gi ro gbre búkù bi
Koríndo ní**

Páwulo eké ledre ba ne zí 'yì ga bi 'bi Kírésìto simi Koríndo ngúru mongú gara simi káṅgá 'bi 'yì ga bi Gírìsì e ní. Eké ledre nées zíye simi bi ni do misi'di mindéréne íri ní. Oto kóo dosì ledre 'bi Lomo go zíye íri, gi zí kényì nées ili ndéré íri í'bí yata bilámá sómù ledre zíye. Nées sù ledre bi eké ledre ba kása zíye íri gi roa ní. Abú ni tí kí ledre ga gére nées kenée yá, bisinyí ledre ni fú lá yì ené bo dongaráye íri. Páwulo ili 'yì ga bi 'bi Kírésìto nées idíní yéme dongaráye 'dá'dá zíne kí óguné íri.

Ngíti géyì ukuní 'bi eyé kídí Páwulo ndaá 'bi ené mbigí 'yìmikása 'bi Kírésìto wá ndìsì sinyi kèsì 'bi kanísa. Simi ledre bi eké ba, uku mbigí ledre gi roné kí ledre bilámá ledre 'bi Yésù bi Lomo í'bí zíne bi nées ndìsì úku a zí 'yì e ní. Simi kápita 9-10 'dodo ledre zí 'yì e gi ro káa zí bi niyí ndìsì sáká 'yì ga bi 'bi Lomo kpá kí Kanísa ga bi do ngíti géyì bi e kí kèsì ga bi zíye nées.

¹ Sée 'yì ga bi 'bi Kírésìto simi gara bi Koríndo kí lafúse ga bi simi káṅgá bi Ákaya ní.

Máa Páwulo bi Lomo gelé máa káa do 'yìmikása 'bi Kírésìto Yésu ní, máéké wáraga ba máa zise. Lúnduzé Timatíyo simi Lomo, bi azé kéye yáa ní, i'bizé mandá kéne zise íri kíngaya.

² 'Buzé Lomo kí Ngére ezé Kírésìto Yésu, idíní í'bí úndru zise gi do bi zise ndìsìsè bilámáne.

Páwulo í'bí mbófo éyí zí Lomo

³ Mbófo éyí zí Lomo bi 'Bu Ngére ezé Kírésìto Yésu ní. Ni ne 'yì bi ndìsì sáká zée do rìkí tù'dù m̀isi'di e za mbá ní. ⁴ Lurúomo zée lá kí komoné wá, simi bi azé go simi ledre ní, ndìsì sáká zée kí í'bí roko'bu zize gi do bi zize útúásáze ndìsì sáká lafúze e simi ledre e káa zí bi ndìsì sáká zée ní. ⁵ Ni kenée ma'dú, káa zí bi kóo Kírésìto 'do'dó gi rozé ní, zée ga bi azé go 'yì ené e ní, azé 'dó'dó kpá kenée. Káa zí bi kóo Lomo ndìsì í'bí roko'bu zía simi bi ndìsì 'dó'dó ní, Lomo ni kpá í'bí roko'bu zize kenée. ⁶ Simi bi azé go ndìsì 'dó'dó ní, zize ndìsì ndíki roko'bu kí komokenzi gi zí Lomo gi ro sáká sée kíe gi ro zise ndíki trìdrì. Saká zée simi 'do'dó ga bi ndìsì ní ndíki zée ní gi do bi zise ówo a kídí ndìsì í'bí roko'bu zize ne gi do bi zize sáká sée. Simi bi áse ndìsì útusimisé cé káa zí bi ndìsìzè útusimisé ní. ⁷ Owozé go bilámáne kídí gi zía bi ndìsìsè go útusimisé simi 'do'dó kpá cé káa zize ní, Lomo ni í'bí roko'bu zize káa zí bi í'bí zize ní.

⁸ Owú 'bi Babá e, utúasá miútúásá zize úku ledre 'do'dó bi kóo 'dodozé simi Ásiya ní zise. Née ndaá kóo 'do'dó wá, yì ené umbu, olúoguzé gi simi gu. ⁹ Lomo rozé ndaá lolu kóo wá, gi zía owozé nda kóo tí go kídí azé yì ezé go umbu. Gi zí

kęyi nęe, zįze nda koo otoońno rozę mbá duų zį Lomo gi zįa roko'bu 'bi úru 'yi e gi simi umbu ni duų zįa. ¹⁰ Ma'dii, zįa koo yoońno zęe gi tara umbu nęe. Owoyemezę go bilámáne kídí ni ndįsi sáká zęe fú kenęe simi ledre e za mbá. ¹¹ Ídísę ini ini zį Lomo gi rozę. Simi bi ni ndįsi sáká zęe ní, ni oto tú'dú 'yi e zįye ídíye kí rokinyi do ndįsiyę mbófo Lomo gi zįse.

Páwulo oyólo'bo ledre koo yeme ní

¹² Dukuwu ndaá ro dozę wá. Ndįsizę ndįsi kí dozę 'dága gi zįa ndįsi bi ndįsizę ndįsi a kí 'yi e kpá kęse ní ni do misi'di bi Lomo ili ní. ¹³ Togú mákasa ledre go zįse yá, ndįsise ówoyęme a 'diya gi zįa sómú ledre amá ndaá 'bi enę gbre gbre wá. ¹⁴ Abú ówoyęmesę aka ledre ga bi ukuzę yęe zįse ba wá, simi bi karanęe Ngęre Yęsu ni ndá'baogú ní, ásę ídí kí rokinyi kize kpá káa zį bi azę kí rokinyi gi zįse ní.

¹⁵ Máowo go bilámáne kídí ásę kí rokinyi. Ni bilámáne zįma oęu andá romá zįse iri gi ro zįse ídise kí úndru za kįngaya. ¹⁶ Mizefi sómú ledre amá ni kídí, mááyí įnyí gi simi kągá bi Ásiya ní ndéréma simi Mekedonįya. Mááyí 'dęci bi kpurú gi zįse gi ore kí lúru sęe. Kpá kenęe simi mindá'baogumá, mááyí oęu kpá kpurú gi 'dí zįse gi ore gi ro zįse sáká máa gi ro zįma ndéréma simi Yudáya kągá 'bi Yúda e. ¹⁷ Ndásę lúru máa káa zį 'yi bi togú yeme ledre go yá, zįa ndįsinę oyólo'bo a gbú gbú gbú ní wá.

¹⁸ Mándá 'yi oyólo'bo ledre wá, eyí bi máuku go ní, ni męngi ronę tí káa zį bi máuku ní.

Máúku née ledre bi Lomo owo bú ní. ¹⁹ Kírésìto Yésu Owú 'bi Lomo bi zée kí Timatiyo e kí Siliváno e ndìsìzé úku ledre a zise ba ní, ni 'yi bi togú uku ledre go yá zía tí méngì a ní. ²⁰ Ledre ga bi za mbá Lomo yeme yée gì ro yómo 'yìma'dí ní, Yésu ogu méngì yée go mbá. Gì zì kényì née, zize ndìsìzé í'bí mbófo éyì zì Lomo. Zize ñgúnṅu a kídí "Ídí kenée." ²¹ Wo, Lomo ma'dáa geléogu zée ne zía í'bí roko'bu née zize kése gì do bi zize ñgúnṅu ledre Kírésìto kíngaya zize ndìsì tórozé ngbúó simi moko ené bi í'bí zize ní. ²² 'Dá'dá kasa 'dówúne simizé káa do mizefì sáká éyì zize gì ro zize ndìsìzé méngì dūyì ledre ené gì do bi zì 'yi e ówo a mbá kídí azé go mbigì 'yi ené e.

²³ Lomo owo sí ledre bi máogu gì zía zise íri 'diya wá ní bú. Togú máogu kóo 'diya yá, mááyí kóo ódro zise o'buó'bu. ²⁴ Otozé ezé rozé zise zize ídíze kí ledrezé owóowó wá. Ilizé zize ndìsì méngì moko 'bi Kírésìto kése ndro gì zía bi ñgúnṅusé ledre ené go ní gì do bi zise ídíse kí rokinyi.

2

¹ Gì zì kényì née, máoyóló'bó sómù ledre amá go kí ndéréma zise íri káa bi mááyí úku ledre bi ni óto unṅú do mimbé'desé ní zise ke. ² Togú máoto unṅú do mimbé'desé kí ódro bi o'buó'bu zì bi sínýíne rosé ní, ásé nda óto máa zì bi émené romá ní lárá a káa be 'di? Ótosé esé lolu máa zì bi émené romá wá. ³ Máódro 'dìyì romá simi ledre bi máéké ba kenée gì zía simi bi mááyí ógu íri ní, ásé óto máa se zì bi émené romá.

Rokinyi bi ásé ídí káe ní, ni óto máa ne zíma ídíma kí rokinyi. ⁴ Simi bi koo mááyí éké ledre née zise ní, rokinyi ndaá koo romá wá, bi sinyí koo romá misinyí zía oto máa zíma ndisimá gi zía gboó simi iní komomá. Máéké koo ledre née zise kenée gi zía 'búse ofu domá go.

Ótoómo ledre zí 'yi luyú ledre e

⁵ Togú ngurusé luyú ledre yá, abú bi ni tí sinyí romá gi zía yá ní, bi ni sinyí rosé mbá rómo domá. ⁶ 'Do'dó bi í'bísé zía gi zí ledre bi luyú wo née ní utúasá go káe kpini. ⁷ Bi ba ní, sindí kadra ogu go gi ro zise ótoómo ledre zía, zise 'dí'bilúgu wo simi sümü dongarase káa bi ni nda lúru roné káa zí kémbi moko ndaá lolu siminé wá ní ke. ⁸ Ídísé fú lá 'dódo a zía kídí ni ngurusé bi 'bú a ni fú bo dosé ní. ⁹ Máéké koo ledre zise 'dá'dá gi ro ówo a togú áse tí óto úndrumá simi ledre ga bi mándisi úku yée zise ní yá. ¹⁰ Togú ótoómosé ledre go zí 'yi yá, mááyí kpá ótoómo ledre zía. Togú máótoómo ledre go zí 'yi yá, Kírésito Yésu owo tí go kídí ma'dii máótoómo ledre go zí 'yi née gi zía ótoómosé kpá ledre go zía. ¹¹ Ni miútúasáne zise ndisise ótoómo ledre zí 'yi bi luyú ledre go ní káa bi Satána ni ndiki bifúo zía olúne dongaraze, gi zía owozé mimengi ledre ené bú.

¹² Simi bi máinyi ndéré simi gara bi Tóra gi ro úku ledre 'bi Kírésito zí 'yi ga bi iri ní, mááyí ogu iri ní, Ngére Yésu olú go do mimbé'de tú'dú 'yi e niyi go nziyiyé ndisi songó bilámá ledre bi máogu káe ní. ¹³ Gi zía bi ngára máogu ndiki

lúnduzé Tįto simi Lomo ore wá ní, má'dú'du nda kóo zįye ore lá ca, zįma 'dícíómo kacįma zįye, yóo zįma ndéréókpóma simi Mekedonįya.

¹⁴ Mbófo éyį zį Lomo zįa óto Kírésįto káa do mongų manda zįa ndįsį útúne zįze 'dá'dá simi ledre e za mbá kį mongų roko'buné káa zį mongų manda 'bį asikįri e ní. Zį Lomo ma'dáa ndįsiné sáká zée zįze ndįsizé úku bilámá ledre bį gį do bį Yésu ní zį 'yį e. Bilámá ledre née inyi kóo zį 'yį e rómo do bikinyi ledre e mbá. ¹⁵ Azé zį Lomo kį ledrezé owóowó káa zį bilámá sų'bų mindonyo ní. Kpá zį 'yį ga bį ңuңgunį ledre Kírésįto go ní, kį yée ga bį ңuңgunį wá ní. ¹⁶ 'Yį ga bį ңuңgunį ledre Yésu wá ní, ndįsinį éré gį zį ndonyozé ңįrį gį zįa ndonyozé née nį zįye káa zį ndonyo umbu ní gį zįa niyį úyu kpá kenée. Ambį nį útúásá méngį moko 'bį Lomo ní ne? Nda zį yée ga bį ңuңgunį ledre Yésu go ní ndonyozé nį zįye ndonyo trįdrį gį zįa niyį ídí 'bį eyé trįdrį. ¹⁷ Ndazé ezé káa zį tú'dų ңgįti géyį 'yį ga bį ilinį ndįsį úku kúrú Lomo gį do bį do í'bį éyį zįye ní wá. Ndįsizé úku zį 'yį e mbigį ledre 'bį Lomo gį zįa uzu zée, go utúásázé go komoa 'yį ga bį 'bį Kírésįto ní gį ro moko ené.

3

Mikánda miyéme ledre 'bį Lomo

¹ Ndįsįsé lúru a íri káa zį éyį bį ndįsizé mbófo rozé ní? Ílisé kóo idinį éké do sįlįze wáraga káa zį bį ndįsinį éké a do sįlį ңgįti géyį 'yį e ní ógu 'dódo a zįse kídį azé 'yį ga bį 'bį moko 'bį

Lomo ní, togú kenée wá ní, ílisé kóo éké wáraga ma'dáa zíze se? f'i, ndaá 'bi ené kenée wá. ² Ásé se zíze káa zí miéké wáraga ní. Gí zía 'dódosé kací moko bi ndìsìzè méngì a dongarásè ní go zí 'yì e ówo a mbá kídí azé 'yì 'bi moko 'bi Lomo. ³ Ásé go káa zí mbigí wáraga bi Kírésìto eké ne ní, gí zía 'dódosé bilámá moko bi mengìzè zí Lomo ní go simi miméngì ledre esé e. Ledre ga bi gí do bisé ní ekéní eyé miéké wá, 'Dówù Lomo méngì yì ené ne.

⁴ Ukuzé ledre ga gére née kenée gí zía owozé go ma'díi kídí Lomo i'bí roko'bu go zíze ndìsìzè méngì moko ené kè sì sílí Kírésìto. ⁵ Utúasázé úku ledre bi kídí ndìsìzè méngì ledre ga gére née kí roko'bu ezé 'bi 'yìma'dí e ní wá. Lomo i'bí roko'bu ledre ga bi mengìzè née zíze ne. ⁶ Geléogù zée ne gí ro zíze ndìsìzè úku bilámá ledre bi yeme mikándané ní. Ndaá 'bi ené lorù bi kóo Músa eké ní wá. Gí zía 'Dówù Lomo ndìsì i'bí trìdrì ne zí 'yì e, ndaá 'bi ené lorù wá.

Lorù i'bí ené trìdrì zí 'yì e wá

⁷ Lorù bi kóo Músa eké ní uku kídí togú 'yì ngunḡu ledre 'bi Lomo wá yá, ni úyu. Lorù née ni kóo miékéótoné ro tutú. Abú kenée ndotó, lorù máa née oto kóo simi komo Músa ndìsì rìrìne mìrìrì Isiréle e utúasání ndìsì lúrú a wa. Abú kenée ndotó, roko'bu máa née ni úkù ené miúkù. ⁸ Mikánda yéme ledre bi Lomo yeme zía kásaogù 'Dówùne gí ro í'bí trìdrì bi za fí ní romo do lorù bi ekéní miéké ní. ⁹ Togú 'yì e niyí kí rokinyi lá gbóo gí ro lorù bi ngará i'bí ené trìdrì

zí 'yì e wá ní, sara niyí nda ídí kí rokinyi gí ro mikánda ledre bi ni í'bí trídri zíye ní cù káa be 'dí? ¹⁰ Mikánda lorù bi Lomo i'biogu ba, romo do lorù bi kóo Músa eké ní. ¹¹ Togù 'yì e niyí kóo kí rokinyi gí ro lorù bi ndiṣi úkú miúkú ní, sara niyí nda ídí kí rokinyi gí ro lorù bi ngára ukú 'bi ené kú wá cù káa be 'dí?

¹² Káa zí bi Lomo gelé zée ne zíze ndiṣizé 'dódo mikánda miyéme ledre ené ba zí 'yì e ní, azé óto komozé ndiṣi méngi moko née ngiri ndaá rozé wá. ¹³ Ndazé ezé káa zí Músa bi kóo onzó'dutu komoné kí mbílí bongó gí zí Isiréle e kí lúru roko'bu 'bi Lomo bi ni ókpó gí roné ní wá. ¹⁴ Bi ba ní, 'dütuní yì eyé simi doyé go, abú 'dodoní ba nda tí mbigi lorù ga bi Músa ekéní ní zíye yá, utúasání eyé úwú a wá. 'Búó togù nguṅuní ledre Kírésito go, zí simi doyé líkpíne. ¹⁵ Gí zí keyi née ní, abú oloní ba nda tí lorù ga bi kóo Músa eké yée ní zíye yá, mimbé'deyé utúasá ené lolu nguṅu a wá gí zía simi doyé ni yì ené fú lá mi'dütuné. ¹⁶ 'Búó togù 'yì nguṅu ledre 'bi Lomo go, Ngére Lomo ni fú ótoómo ledre zía. ¹⁷ Ngére Lomo kí 'Dówú Lomo ni kíé'do. 'Yì bi nguṅu ledre 'bi Lomo go ní, 'Dówú Lomo ni go simi a gí zía owo yì ené Lomo go, ni go simi rokinyi. ¹⁸ Gí zía bi ngára komozé ndaá mi'dütuné wá ní, 'yì e ndiṣiní lúrutóko bilámá miméngi ledre 'bi Ngére bi ndiṣi ngbóro tátá roné simizé ní gí zí roko'bu 'bi 'Dówú Lomo bi simizé ní.

Úku ledre 'bi Lomo

¹ Yí ené gí zí 'búze bi do Lomo ní, zía gélé zée gí ro zíze ndìsìzè 'dódo mìkànda yéme ledre ené zí 'yì e. Gí zí kèyì nées ní, rozé uyu ené kí méngì moko ma'dáa wá. ² Ledre ga bi ndìsìzè méngì yée ní za mbá, kèmbì ledre bi ni 'dí'biógu dokuwu zí 'yì ní ndaá. Ukuingbízè ezé ledre zí 'yì e simi bi azé ndìsì 'dódo ledre 'bi Lomo zíye ní wá. Ledre ezé e niyí za mbá miózooyé zí kadra 'yì bi ni úkuóto ledre rozé ní ndaá. ³ Bilámá ledre ga bi ndìsìzè 'dódo yée ní togú ngíti géyì 'yì e owoyemení ini ledre gí simi a wá, nées yì ené yée ga bi asiní miási kí úwú a ní. ⁴ Gí zía Satána bi oto roné ngére 'bi do sogo kángá ba 'dutu yì ené simi doyé go ní. Utúasání eyé 'dí'bi bilámá ledre 'bi Kírèsìto bi ni káa zí Lomo bi ndìsìzè 'dódo ledre ené zíye káa zí bimióngó zíye ndìsìyé méngì ledre e kací a ní wá. ⁵ Ledre ga bi ndìsìzè 'dódo yée ní, ndaní eyé ledre e ga bi gí rozé ní wá, ndìsìzè 'dódo bilámá ledre bi 'bi Kírèsìto Yésu Ngére ezé ní. Kasa zée kí bilámá ledre nées ne zíse. ⁶ Lomo uku kóo ledre kídí, “Bimióngó idí óngó simi mituluru.” Karaba ní bilámá ledre 'bi Lomo bi Kírèsìto ogu kíe ní, oto zée go zíze ndìsìzè lúru roko'bu 'bi Lomo gí zía azé go simi bimióngó.

⁷ Abú azé 'yíma'dí e roko'buzé ndaá, azé káa zí phéré ní yá, Lomo i'bí moko ené bi kí ledrené owóowó ní go do sílize. Gí zí kèyì nées, zí 'yì e ówo a mbá kídí ma'díi, Lomo ndìsì i'bí roko'bu zíze ne, zíze ndìsìzè méngì moko ma'dáa kíe

utúasázé ótoómo a wá. ⁸ Abú 'yì e ndìşinì 'dó'do zée kací kadra mbá yá, cóngó rozé utúasá ùkú wá. Abú simì ngíti géyì şindì kadra owo'di'bizé éyì bi azé méngì a ní wá yá, oyózé sgozóé zì Lomo wá. ⁹ Togú azé go simì 'do'dó yá, Lomo ndìşì kpá fú sáká zée. Abú simì ngíti géyì şindì kadra azé go gbóo gì ro do úfu zée yá, Lomo ndìşì kpá fú sáká zée. ¹⁰ Kací kadra mbá ndìşizé gámá kí umbu komozé gì zì 'yì e káa zì 'bi Yésu kóna ní. Togú uyuzé yá ni úru zée zì 'yì e lúrútoko roko'bua rozé.

¹¹ Ni ma'díi, kací kadra mbá 'yì e niyí fú lá nziyiyé gì ro úfu zée gì zía bi ndìşizé úku bilámá ledre ené ní. Nda gì ore, zì 'yì e ówo a mbá kídí Yésu ni kí roko'bù gì ro yómo rozé bi ndìşì úyu miúyu ba. ¹² Ndìşizé gámá kí umbu komozé kací kadra mbá gì zía bi ilizé gì ro zise ndíki tridri bi za fí ní.

¹³ Ni miékéne simì miéké kúrú Lomo kídí, “Mándìşì 'dódo ledre 'bi Lomo gì zía mángúnğu go.” Gì zía bi zée kése nğunğuzé go mbá ledre bi kîé'do née ní ní, zize ndìşizé go 'dódo a zì 'yì e. ¹⁴ Gì zía owozé go kídí Lomo uru kóo Ngére Yésu go gì simì umbu, ni úru zée kpá kenée. ¹⁵ Ledre ga gére née mbá, niyí gì do bi zise ídise mbí, simì bi 'yì e niyí ówoyéme a gì zise kídí ábuwá Lomo ni bilámáne ní, zíye ndìşiyé mbófo wo kpá kí óto úndrua.

¹⁶ Née sî ledre bi utúasázé ótoómo ledre née gì zía wá ní. Abú roko'buzé ili ba za ùkú miúkú yá, zì 'Dówú Lomo ndìşinè 'bí roko'bù zize. ¹⁷ 'Do'dó

ga gére née ndịsini yéme zée gi ro zíze ndíki tridri bi za fi ní. ¹⁸ Gi zí keyi née ní, otozé ezé komozé ro éyi ga bi ndisizé go lúru yée née wá, ndisizé oto komozé gi ro éyi ga bi ngára lurúze aka yée wá ní.

5

Azé ndisi simi mikanda 'be

¹ Kuru'bu rozé ba tridrizé ndisi ndisi simi a do sogo kangá ona. Togú kuru'bu rozé bi tridri ndisi ndisi simi a ba uyu go yá, Lomo ni 'di'bioto tridrizé simi mikanda 'be bi yemeomo gi rozé komo ere ní, zíze ndisizé iri za fi. ² Abú 'do'dóze kí ndisi ndándada gi zí éyi miówo rozé do sogo kangá ona ndotó, azé kí mongú oto komo gi ro 'dówuro bi Lomo yemeomo go zíze komo ere iri ní, ³ gi zía utúasazé ndisi iri kí sanáze bi 'bi do sogo kangá ba wá. Azé idí iri kí mikanda sanáze bi 'Dówú Lomo yemene ní. ⁴ Kuru'bu rozé 'bi sága ba ndisi ówo miówo zíze ndisizé ini ini gi zí éyi miówo. Abú kenée ndotó, ilizé ezé zí tridrizé olúoguné gi simi a wá. Éyi bi ilizé ní, mikanda tridri bi 'bi Lomo ní idí ogu ndisi simizé oyóló'bó zée mikandané. ⁵ Lomo yeme ledre née ne zíze bilámáne kenée. Kasa 'Dówúne gi ro zíze ówo a kídí ledre ga bi née yeme yée gi rozé ní, née ni mengi yée mbá.

⁶ Gi zí keyi née, zíze ówoyéme a bilámáne kídí togú azé aka kí kuru'bu rozé 'bi do sogo kangá ba yá, ndazé aka mbigi 'yi ga bi 'bi Ngere Yésu ní wá. ⁷ Ndisizé ndisi ba gi zía ngunguzé go kenée abú ledre ma'dáa mengi aka roné wá ndotó.

⁸ Idízé ídí kí rokinyi gí zía bì azé ótoómo do sogo káṅgá ba zíze ndéré ndìsìzè kí Ngére Yésu do bi kǐé'do ní. ⁹ Togú azé go kéne do bi kǐé'do, togú ndazé kéne do bi kǐé'do wá, ili zíze óto wo zía ídíne kí rokinyi. ¹⁰ Gí zía azé karanée tóro mbá kó'dú Kírésìto zía 'dècì ngbangazé mbá mìkèkèrìja kací mìmèngì ledre ezé e do sogo káṅgá ona.

Miyéme ledre dongará 'yì e kí Lomo

¹¹ Gí zía bì ṅṅṅuzé ledre Ngére Yésu go, zíze ndìsìzè óto úndrua kí ndìsì 'dí'biógu 'yì e zía ní, Lomo owo bú kídí ndìsìzè úku ma'díi ledre e. Sée ówosé kpá bú kenée. ¹² Ndìsìzè ezé nées mbófo rozé zise wá, ilizé gí ro zise ídíse kí ledre tarasé. Gí do bi zise útúásase úkulúgu ledre zí 'yì ga bì ndìsìní mbófo royé abú mēngìní eyé ma'díi ledre zí Lomo wá ní. ¹³ Togú lúrúsé zée kací komosé káa zí rífuzé mǐrífú ní yá, yì ené gí ro zí 'yì e ndìsì í'bí mbófo éyì zí Lomo. Togú rífuzé wá, ilizé sáká sée gí ro zise ówoyéme Lomo. ¹⁴ 'Búze bì Kírésìto oto ní, oto zée nées zíze ndìsìzè mēngì ledre ga gère nées kenée gí zía ni òyú ne bìkérì 'yì bì uyu yómo tǔ'dú 'yì ga bì kóo uyuní sìmì lúyú ledre ní. ¹⁵ Uyu káa bì yée ga bì ni yómo yée ní, niyì ndìsì ngúcuyé ke. Ili gí ro zíye ídíye káa do 'yì ené e zíye ndìsì ndìsìyè kéye. Gí zía uyu zía úrúne gí royé.

¹⁶ Bì ba ní, 'dècìzè ezé lolu ngbanga 'yìma'dí e kací ledre ga bì ndìsìní mēngì a ní kí sómú ledre ezé 'bì 'yìma'dí e wá. Abú bì ndìsìzè kóo 'dá'dá 'dècì ngbanga Kírésìto kenée yá, bì ba

ní, owoyemezé wo go 'decizé ezé lolu ngbanga a kenée wá. ¹⁷ 'Yì bí ñgunḡu ledre Kírésìto go ní, ñi go mìkànda 'yì sìmì mìmèngì ledre ené e. Ledre ga bí kóo ndìṣì mèngì yée 'dá'dá b̀sinyíye ní otoomo yée go mbá, ndìṣì nda go mèngì ledre ga bí bilámáye ní. ¹⁸ Lomo oyólo'bó zée ne zì mìmèngì ledre ezé e ídíye bilámáye née. Kasaogũ Kírésìto óḡu yéme ledre dongaráze kéne Lomo. Zía kása zée kí bilámá ledre ndìṣì úku a zì 'yì e idíní yéme dongaráye kí Lomo ḡi ro zì m̀ndìṣiyé idíne bilámáne. ¹⁹ Ḡi zía bí Lomo kí Kírésìto ñiyí k̀jé'do ní, zía kása Yésu óḡu yéme ledre dongaráne Lomo kí 'yìma'dí e. Ḡi zía ili ené lolu fú lá lúru 'yìma'dí e káa do 'yì lúyú ledre e wá, idíní ndá'baóḡu zíne. ²⁰ Azé ba 'yìmikása ga bí 'bí Kírésìto ní. Ndìṣizé úku ba ledre ga bí ḡi taraa ní. Éyì bí Lomo ili ḡi zise ní idísé úwú ledre ma'dáa zise ndá'baóḡusé zíne. ²¹ Abú Yésu ma'dáa ndaá 'bí ené 'yì lúyú ledre wá, zì Lomo kásaóḡu wo óḡu 'dí'bí lúyú ledre 'bí 'yìma'dí e roné. Zía úyuné káa zì 'yì lúyú ledre ní ḡi ro zì 'yìma'dí e útúásaye kací komoné káa do mbigí 'yì ené e.

6

¹ Káa zì bí azé go k̀jé'do kí Yésu sìmì mìmèngì ledre ezé e ní, bilámá ledre bí kóo Lomo mèngì zize zì Yésu úyuné ḡi rozé ní, ñgunḡuzé rozé zise ndásé ótoómo a zía ndéréne gbékpíne wá. ² Ḡi zía bí Lomo uku sìmì miéké kúrúne kídí, “Togú ínise ini zíma ḡi ro sáká éyì, zíma lúru a kídí née go bilámá s̀ndí kadra ḡi ro zíma

sáká sée yá, mááyí sáká sée.

Togú s̄indĩ kadra 'bì yómo 'yì e utúasá go yá,
mááyí kása 'yì yómo 'yì e zía ógúné yómo
sée.”

Máúku zise, ba goó s̄indĩ kadra 'bì sáká éyì ḡi zì
Lomo kí s̄indĩ kadra 'bì yómo 'yì e.

'Do'dó ga bì ndikiní Páwulo ní

³ Nd̄isizé óto komozé ro moko bì nd̄isizé
m̄enḡi a ní k̄ingaya ḡi do bì zía nd̄éréne do
bilámá misi'diné káa bì nḡiti géyì 'yì e niyì
lúrúndiki lúyú ledre rozé z̄iye ásiyé kí nḡungu
ledre 'bì Lomo ke. ⁴ Simi r̄ik̄i tú'dú 'do'dó ga bì
nd̄ikizé née za mbá, nd̄isizé tí fú lá út̄usimizé
z̄iye ḡi ro zía 'dódo zée k̄idí azé m̄bigí 'yì 'bì moko
ga bì 'bì Lomo ní. ⁵ Simi nḡiti géyì s̄indĩ kadra
nd̄is̄iní ócó zée, 'dí'bi zée ónzó zée simi s̄iḡin̄i,
nd̄is̄i kí gbúrógbóye dozé kí simikesí, do nd̄is̄iyé
kí í'bì m̄ingburoko moko e zise. Simi nḡiti géyì
nd̄ul̄u 'bì 'di'bi komozé wá, zise nd̄is̄i kí 'dú'duzé
kpá 'bú. ⁶ Ledre ga bì m̄enḡizé yée ní za mbá
'dodoní go k̄idí, azé go m̄bigí 'yì ga bì 'bì Lomo ní
ḡi zía lúyú ledre ndaá simi m̄im̄enḡi ledre ezé e
wá, owozé éyì ga bì Lomo ili zise nd̄isizé m̄enḡi
yée ní go bú, zise kí út̄usimizé simi ledre e kpá
kí m̄enḡi bilámá ledre z̄i yée ga bì nd̄is̄iní m̄enḡi
zée bisinyíne ní kí m̄bigí óto 'bú 'yì e dozé nda
kpá kí 'Dówú Lomo bì simizé ní. ⁷ Nd̄isizé úku
m̄bigí ledre 'bì Lomo z̄i 'yì e, z̄i Lomo nd̄is̄iné í'bì
roko'bu moko ma'dáa zise ne. Ḡi zía bì utúasázé
go komo Lomo ní, zise nd̄isizé d̄uú m̄enḡi éyì ga
bì Lomo ili yée ní. Simi 'do'dó ezé mbá, ledre

ga bi ndişizé úku yée kí éyí ga bi ndişizé méngí yée ní, niyí mbá miútúásáye. ⁸ Ndishizé 'dódo dụú mbigí ledre 'bi Lomo zí 'yí e. Togú ngíti géyí otoní úndruzé bú togú otoní wá, togú ngíti géyí mbofoní zée bú née ndaá 'bi ledre ezé wá, kací kadra mbá ndişizé úku dụú mbigí ledre. Simi ma'díi ga gére née mbá, ngíti géyí 'yí e ya azé fú lá 'yí ɽanga e. ⁹ Abú owoní bú kídí azé 'yimikása ga bi 'bi Lomo ní yá, fi, ngíti géyí 'yí e iliní eyé kenée wá. Zíye ndişiyé ócó zée í'bí zíze 'duo umbu, abú kenée ndotó uyuzé ezé gi zí ócó née wá. ¹⁰ Abú mimbé'dezé ndişí 'dəcí mi'dəcí gi zí ledre ga gére née yá, azé kpá fú lá kí rokinyi. Abú éyí ga bi 'bi sága ba ndaní zíze wá, ndişizé kpá fú óto ledre 'bi Lomo zía ngbóróne mingbóró simiyé. Éyí ga bi Lomo otoogu yée sága ba niyí mbá 'bi ezé.

¹¹ Sée lúnduzé e simi Lomo 'yí ga bi 'bi Korındo ní, ukuzé kóo ledre go fúó zíze kídí otozé 'búse go dozé kینگaya. ¹² Ma'díi, 'búse ni yí ené fú bo dozé. Yí ené sée, ílisé yí esé 'dí'bióyó 'búze gi dosé se. ¹³ Mándişí ódro zise ba káa zí 'yí odro zí owú 'bi ené ní, ídísé óto 'búze.

'Yí ga bi ɽgununí ledre 'bi Yésu wá ní

¹⁴ 'Yí ga bi ɽgununí ledre 'bi Yésu go ní, ndişí kotruní eyé royé kí yée ga bi ɽgununí ledre a wá ní wá. 'Yí ga bi ndişiní méngí bilámá ledre ní ndişí kotruní eyé royé kí 'yí méngí bisinyí ledre e wá. Kpá káa zí bi bimióngó ndikiní eyé kí muɽuluru wá ní. ¹⁵ Kpá kenée, togú Kírésito ndişí kotruní royé kí Satána wá ní, sara zée 'yí

ga bi 'bi Yésu ní azé nda ndįši kótru 'bi ezé rozé kí 'yi ga bi ńgununí ledre Yésu wá ní lárá a káa be 'di? Kenée oḡu wá. ¹⁶ Sée 'yi ga bi ńgunusé ledre 'bi Yésu go ní, ásé go káa zí 'Dįcį 'bi Lomo ní gi ro zía ndįşiné simisé. Gi zí kęyi née ní, ndaá miútúásáne zise ndá'basé ndįši óto úndru lomo ga bi yemení yée kí sįlį 'yi ní wá. Lomo uku kenée kídí, “Mááyí ndįši dongará 'yi amá e, zíma ndįši gámama dongaraye gi zía mááyí Lomo eyé niyí 'bi eyé nda 'yi amá e.” ¹⁷ Zí Ngére kpá lóru 'yi ené ga gére née kídí,

“‘Yi ga bi ńgununí ledre amá wá ní,
ndásé ndįši kótru rosé kęye wá.

Ndásé ndįši męngi lódų ledre eyé wá,
gi ro zise útúásáse kací komomá.”

¹⁸ Zí Lomo úku ledre kídí,

“Mááyí ídí 'Bųsé, zise ídise owų 'bi amáa e,
Mááyí Ngére Lomo, bi kí roko'bu ledre e zíma ní,
máúku ledre ga gére née máa.”

7

¹ Owų 'bi Babá e simi Lomo, káa zí bi 'Bųzé uku ledre go zise kenée ní, idíze í'bí rozé za mbá zía zise ndįşizé dųų męngi ledre ga bi niyí óto wo zía ídine kize kí rokinyi ní.

Páwulo ni go kí rokinyi gi ro Tįto

² Mąngųńgú romá zise, ídise óto 'búze. Luyúze ezé ledre rosé mbá wá, męngizé ezé gbawá ledre máa wo bi zí bi sinyine ro ngúrusé

ní wá. Londoze gbawá ngúru 'yì gì dongarase gì ro éyì ené. ³ Máúku amá ledre née kí sómù ledre bì kídí ásé bisinyí 'yì e ní wá. Máúku ledre née kenée gì zía 'búse ni domá kíngaya káa zì bì kóo máúku zise 'dá'dá ní. Togú mbú umbu yá, azé úyu kése, togú mbú ídí trìdrì yá, azé ídí trìdrì kpá kése. ⁴ Máówo bú kídí ásé ndìsì méngì fú lá ledre ga bì Lomo ili yée ní. Gì zì kényì née zì bì ndìsì émené romá gì zise. Míméngì ledre esé esì roko'bu go simimá. Simi 'dó'dó ga bì mándìsì 'dó'dó yée née za mbá, mááyí fú lá kí rokinyi gì zise.

⁵ Simi bì oguzé simi káṅgá bì Makedoníya, síli ilí rozé wá, 'dì'bizé mimbé'dezé mbá do sílize gì zì rìkí 'do'dó ga bì 'do'doní zée kíe ní. ⁶ Lomo ndìsì lengbe í'bí rokinyi zì 'yì ga bì utúasání ndíki a wá ní. Míndá'baógu Tító gì zise girí i'bí mongú rokinyi go zise. ⁷ Ma'dú, míndá'baógu a oto zée go zise ídize kí mongú rokinyi. Mongú a, ni wo bì ndìsìsé kóo sáká wo íri ní. Uku zise kídí ásé íri kí mongú sómù ledre gì romá. Ledre ga gére née mbá oto máa go zíma ídíma kí mongú rokinyi.

⁸ Máówo bú kídí wáraga kóo máéké ní, oto unú go ca ro mimbé'desé. Abú kenée ndotó, mándá kí mongú sómù ledre wá, gì zía máówo bú ni zise káa do sáká éyì. ⁹ Káa zì bì mááyí úku ledre ba ní, azé go kí rokinyi. Ndaá gì zía bì ya odrozé kóo go zise zía ówoné rosé ní wá, yì ené gì zía ówosé kóo go kí rosé kídí lúyúsé kóo ledre go. Gì zì kényì née, zise nda go óyóló'bó sómù ledre esé gì zía Lomo ili kenée. Ídísé ówo a kídí

otozé ezé unḡú ro mimbé'desé wá. ¹⁰ Togú bi sinyí ro 'yì ḡì zía bi luyú ḡì do misi'di 'bi Lomo ní, zía óyóló'bó sómú ledre ené do ndá'baóḡuné do misi'di 'bi Lomo yá, Lomo ni í'bí tridri bi za fí ní zía, zía ídine kí rokinyi. Togú do sogo káḡgá ba oto yì zí bi sinyíne royì, zíyì ídíyì kí lerì ḡì zía yá, ni 'dí'bióḡu yì zí umbu.

¹¹ Lúrúsé aka bilámá mimbé'de Lomo rosé. Simi bi luyúsé ledre, zise óyóló'bó mimbé'desé do ndá'baóḡusé zía ní, zía 'dí'bilúgu sée zine simi sümü. ḡì zí kéyì nées ni cakaba go miówóné kídí ásé go mbigí 'yì ḡa bi 'bi Lomo ní, ḡì zía luyú ledre ndaá lolu rosé wá. ¹² Máéké amá ledre nées ḡì ro óto 'yì bi luyú ledre nées do bisinyí misi'di, togú ḡì ro úku yéme ledre ḡì ro 'yì máa wo bi menginí bisinyí ledre zía ní wá. Máéké ḡì ro zise ówo a kídí méngì yémesé ledre go ḡì rozé. ¹³ Ledre nées oto zée go zíze ídíze kí rokinyi.

Ndaá kpá lá dujú zée wá, kpá Tító. ḡì zía Simi bi kóo kasazé wo zise íri ní, zise 'dí'bi wo simi sümü kí 'búne, zía ndisíné bilámáne somú ledre wá. ¹⁴ Máúku ledresé zía máyá ásé bilámá 'yì e. Simi bi oḡu zise íri ní, zía lúru ledre ḡa bi máúku yée zía ḡì rosé ní za cú kí komoné. Ótosé máa go zíma ídíma kí rokinyi. ¹⁵ Ledresé ni go zía owóowó ḡì zí bilámá ledre bi méngisé zía, zise 'di'bi wo kí 'búne simi sümü ní. ¹⁶ Mááyí kí mongú rokinyi ḡì zise, ledresé ni zíma owóowó.

8

'Yì 'bi Makedoniya e sakání lafúye

¹ Owú 'bi Babá e, ilizé úku 'dódo a zise kídí Lomo mengi bilámá ledre go simi 'yi ga bi 'bi Kírésito simi kángá bi Makedoniya ní. ² 'Yi 'bi Makedoniya ga gére née abú tú'dú 'do'dó ndiši ndíki yée, zíye kpá ídíye 'yi lerí e yá, yokoní sílíye za kí sómú ledre eyé mbá sáká lafúye 'yi ga bi 'bi Kírésito ní. ³ Sílíye bi yokoní ní, rorómó go, gi zía i'bíní za kí mimbé'deyé mbá. ⁴ Bi ba ní, niyí ba ndiši ngúngu royé zize, idizé ngungu a gi do bi zíye yóko sílíye sáká lafúye 'yi ga bi 'bi Kírésito simi Yerusaléma ní kíe. ⁵ Éyi bi menginí ní, ni nda yi ené go kpí gi zí ledre bi ndišizé sómú a gi royé ní. I'biútuní aka yi eyé royé mbá zí Ngére Yésu kí, zíye nda ndá'baóguyé ndiši lódú kacize káa zí bi Lomo ndiši úku'bí a zíye ní. ⁶ Káa zí bi kóo ówosé bú Tító lúnduzé simi Lomo ndiši kóo 'dókó sée ne kí sómú ledre 'bi yóko sílí ní, azé go kpá kásalúgu wo zise íri gi ro zía kpá fú 'dókó sée kí sómú ledre gi ro zise yóko sílíse rómo gi do wo bi kóo 'dá'dá ní. ⁷ Ásé go ndiši méngi tú'dú bilámá ledre e. Ledre 'bi Kírésito bi ngungusé ní i'bí roko'bu 'bi 'dódo ledre go zise, ásé go kí mingburoko ówo ledre e, kpá nziyisé gi ro sáká 'yi e gi zía ótosé 'búze go. Bi ba ní, idisé nda mu ndiši sáká 'yi e rómoné mirómo.

⁸ Máúku amá bi kídí idisé mu yóko sílíse ní wá, máúku 'dódo lá ledre ga bi lafúse 'yi 'bi Kírésito ndišiní méngi a ní zise, togú ndišisé go kpá méngi a kenée kí mimbé'desé kíe'do yá. ⁹ Lúrútokosé aka ledre bi Kírésito Yésu Ngére ezé ní. Inyi za cú gi komo ere óguné do sogo

kąngá ona káa zí 'yįma'dí ní, ídine káa do 'yį lerį gi do bi zise ídise kí éyį zise bi ni trįdri bi fį ní.

¹⁰ Kibi kóna áse se mizefi 'yį ga bi i'bínį royé ndįši yóko sįłıye gi ro sáká lafúse ga bi 'yį 'bi Kírésito niyį 'yį lerį e ní. ¹¹ Káa zí bi kóo tónósé go yóko sįłıse ní, ídise kpá fú mu méngį a kenée gi do bi zía útúásáne kpįni kacį mimbé'desé bi kóna née. Ídise í'bí a kpįni kacį roko'bu éyį bi do sįłıse ní. ¹² Éyį bi ni kí ledrené owóowó ní ndaá 'bi ené bi ya í'bí go cų kie 'di ya ní wá, yį ené bilámá mimbé'deyį bi ndįši í'bí a kie ní, ndįši óto Lomo ne ídine kí rokinyi.

¹³ Máılı amá gága sée migága gi ro í'bí éyį zí 'yį e, zise ídiákase simi 'do'dó wá. Yį ené duų sáká éyį bi kí 'búne ní gi ro zise ídise mbá kí éyį e zise. ¹⁴ Bi ba ní, éyį ni bo zise ídise mu í'bí a zí lafúse. Simi ngíti sįndį kadra niyį óyóló'bó royé í'bí a zise. Míméngį kéyį bi kenée ní ni ótosé e mbá zise ídise kí éyį e zise. ¹⁵ Káa zí bi ni miékéne simi miéké kúrú Lomo kídí, “'Yį ga bi 'do'dų yokonį éyį miánu go kįngaya ní, bandáomonį eyé ngíti a gi royé wá. Yée ga bi 'do'dų yokonį 'bi eyé lá ca ní, idiakání eyé lá kí wo bi zíye ca née wá.”

Kasalugunį Tįto simi Korįndo

¹⁶ Mbófo éyį zí Lomo zía óto 'búse do Tįto kpá káa zí bi óto 'búse domá ní. ¹⁷ Simi bi ukuzé ledre zía gi ro zía ndá'ba ándá roné zise íri ní, ni kóo kí rokinyi gi zía ili kpá fú gi ro ndįši sáká

sée kí sómũ ledre. ¹⁸ Kasazé yée gĩ yáa kí ngíti lúnduzé simi Lomo, ni 'yĩ bi 'yĩ 'bi Kírésito owoní wo mbá bú gĩ zĩ bilámá ledre 'bi Lomo bi ndĩšĩ úku a ní. ¹⁹ Lafúze e 'yĩ 'bi Kírésito gelení wo ye gĩ ro zía 'dĩyĩóto zée kí éyĩ ga bi yókosé yée zíze ndéréze saká lafúze ga bi simi Yerusaléma ní kie ní. Née miméngĩ ledre bi ni óto 'yĩ e zíye ndĩšiyé í'bí mbófo éyĩ zĩ Ngére Lomo gĩ roa ní. 'Dodo kírĩ née kídĩ azé nzíyizé gĩ ro ndĩšĩ sáká lafúze e ga bi ilinĩ sáká éyĩ ní. ²⁰ Ni miútúásáne zíze ndéréze kí lúnduzé bi gélésé wo ní, káa bi ngíti géyĩ 'yĩ e niyĩ sómũlúyũ ledre kídĩ kėsĩ bi yókosé ní, sinyizé go kie. ²¹ Máúku ledre née kenée, gĩ zía máĩli Ngére Lomo kí 'yĩma'dí e mbá idinĩ ówo a kídĩ ndĩšizé go méngĩ moko ené do bilámá misi'diné.

²² Káa do yata ledre, esizé ngíti lúnduzé simi Lomo go zĩ Tĩto e kí ezené bi máúku ledre a née, niyĩ ndéré gĩ yáa zise íri ní. Owoyemezé ledre gĩ roa go bilámáne do tú'dũ misi'di e, moko ené zĩ Ngére Yésũ ni bilámáne. Ni kí rokinyi gĩ ro zíye ndéréye kí lafúne ga gére née zise íri. ²³ Togũ 'yĩ niyĩ ndũ'yũ sée gĩ ro Tĩto yá, née kũ ngũru eze 'yĩ mokomá bi ndĩšizé méngĩ moko kéne gĩ ro sáká sée ní. Gĩ ro ngíti géyĩ ya'dá ga bi gbre née, 'yĩ 'bi Kírésito ga bi yáa ní kasanĩ yée ye gĩ ro zíye ndĩšĩ méngĩ moko zise íri. Kací moko eyé ndĩšĩ óto tú'dũ 'yĩ e zíye ndĩšiyé í'bí mbófo éyĩ zĩ Yésũ. ²⁴ Idísé óto 'búye, zise 'dí'bi yée simi sũmũ gĩ do bi zĩ 'yĩ ga bi kasanĩ yée ní, ówo a kídĩ ledre ga bi ndĩšizé mbófo sée kie ní, niyĩ ma'díi.

9

Yóko sılı zı 'yi 'bi Kírésıto ga bi simi Yerusaléma

¹ Máılı amá fú lá ndısi éké ándá ledre gi ro yóko sılı bi yemesé ledre gi ro ndısi í'bı a gi ro zıa sáká 'yi 'bi Kírésıto ga bi simi Yerusaléma ní wá. ² Máówo bú kídı í'bıse rosé go zıse ndısi sáká lafúse. Née sı ledre bi mándısi mbófo see zı 'yi 'bi Kírésıto ga bi simi káńgá bi Mekedonıya ní, kídı see 'yi 'bi Korındo simi káńgá bi Ákaya ní yemesé kóo rosé go 'desı kıbi kóna gi ro yóko sılıse sáká lafúse kıe. Ledre bi méngıse née, oto tú'dú ngıti géyi 'yi ga bi 'bi Kírésıto ní go ndısi yóko sılıye gi ro sáká lafúye kıe. ³ Gi zı kéyi née, mááyı gi yáa go kása Tıto kı lafúne ga gére née gi do bi zıye sáká see kı moko 'bi yóko sılı gi ro zıse ídıse kı nziyi éyi do sılıse. Gi zıa togú oguzé ırı ndásé nziyise wá, niyi sómú ledre kídı mbágá tú'dú ledre ga bi mándısi úku yée gi do bisé ní niyi yi eyé mbá řanga. ⁴ Máúku kenée gi zıa togú oguzé gi yáa kı ngúru 'yi gi dongará 'yi 'bi Kírésıto ga bi simi Mekedonıya ní togú nziyi éyi ndaa yá, mááyı ídı kı mongú komokenyi, zı 'bi esé nda rómoné cı gi do 'bi amá. ⁵ Née sı ledre bi mákása Tıto kı lafúne ga gére née idını ndéré 'dá'dá ırı gi ro sáká see kı moko 'bi yóko sılı née. Gi ro zıse í'bı a kaa zı bi yemesé ní, ndaa kaa zı gaganı see gi roa miğaga ní wá.

⁶ Ásé lúru lılı ledre née gi ro ledre 'bi yóko sılı. Togú 'yi i'bı éyi cúku'dée, Lomo ni í'bı úndru zıa kpá cúku'dée, togú 'yi i'bı éyi mongúne, Lomo

ni í'bí úndru zía kpá mongúne. ⁷ 'Yi idí í'bí éyí kací mimbé'dené bi ili ní, ndaá sómú siminé kaa zí éyí bi gaganí wo roa miágaga ní wá. Lomo ndiši lengbe óto 'bú 'yi ga bi iliní ndiši í'bí éyí kí mimbé'dené kǐé'do ní. ⁸ Togú ndiši go í'bí éyí zí 'yi e kí mimbé'deyí kǐé'do kenée yá, Lomo ni í'bí úndru zíyi, zíyi idíyi kí rǐkǐ tú'dú éyí e, zíyi ndišiyí sáká ngíti géyi 'yi e kǐe. ⁹ Káa zí bi miéké kúrú Lomo uku ní kídí,

“‘Yi ga bi ndišiní sáká 'yi lerí e ní,

Lomo ni ndiši méngi bilámá ledre zíye za fí.”

¹⁰ Lomo bi ni 'yi í'bí kúfú kí éyí miánu zí 'yi e ní, ni í'bí úndru zise gi ro zí éyí e úwúye zise miúwú gi do bi zise ndišisé sáká 'yi e kǐe. ¹¹ Lomo ni í'bí úndru zise, zise idíse kí éyí e do sǐlise ndiši sáká 'yi e kǐe. Zíye ndišiyé í'bí mbófo éyí zí Lomo simi bi togú i'bizé sáká éyí bi gi zise ní go zíye ní.

¹² Idíse ówo a kídí, yóko sǐlǐ bi ndišisé yóko a sáká 'yi 'bi Kírésito ga bi simi Yerusaléma kǐe ní, ni óto yée zíye ndišiyé í'bí mbófo éyí zí Lomo kǐngaya. ¹³ Yóko sǐlise née ni óto 'yi 'bi Kírésito ga bi simi Yerusaléma ní, zíye ndišiyé mbófo Lomo kídí ma'díi, ngúngusé bilámá ledre 'bi Ngére Yésu go. ¹⁴ Bi ba ní, niyí ba ndiši ini ini gi rosé kí mimbé'deyé kǐé'do gi do bi zíye kóo idíye kése do bi kǐé'do. Gi zía bi owoní sáká éyí 'bi Lomo go gi zise ní. ¹⁵ Mbófo éyí zí Lomo zía kásaógu owú 'bi ené káa do mongú sáká éyí ené zíze.

10

Páwulo uku yeme ledre gi ro moko 'bi Kírésito

¹ Ba máa Páwulo, índisé aka mbílise zíma, zise úwú ledre bi máíli úku a zise ndoo kpá kí bikidri mimbé'demá káa zí bi Kírésito ndisi méngi a ní. Abú ngíti géyi 'yi e gi dongarase ukucayini ledre kídí mándisi ódro o'buó'bu zise lá duú simi miéké ledre togú nda goó do komosé yá, máódro kenée wá. ² Ngíti géyi 'yi e gi dongarase ndisini úku ledre kídí ndazé ezé mbigí 'yi ga bi 'bi Lomo ní wá. Mángungú romá zise, idisé úcuómo yée. Gi zía simi bi togú máogu go zíye iri ní, mááyí esi sílíma komoyé o'buó'bu. ³ Máówo bú azé 'yíma'dí e do sogo kángá, ndisizé méngi 'bi ezé yi ezé ledre ga bi Lomo ili yée ní, ndaá káa zí miméngi ledre 'bi 'yi ga bi owoní Lomo wá ní wá. ⁴ Éyi ga bi ndisizé íci okó kée ní mbá oguní gi zí Lomo, ndani eyé komokenzi 'bi okó ga bi 'bi do sogo kángá ba wá. Yi ené roko'bu 'bi Lomo bi zize ní ndisine rómo cóngó ro Satána. ⁵ Ndisizé 'déweoyó cóngó ro 'bi Satána bi ndisi úcuómo 'yi e kí ngungu ledre 'bi Lomo, zize kpá ndisizé 'déweoyó cóngó ro bicayi ledre ga bi ndisini úku yée ní. Zize ndisizé 'dódo ledre 'bi Kírésito zíye kí roko'bu 'bi Lomo bi zize née gi do bi zíye ngungu a. ⁶ Séé ga bi 'bi Korındo ní, ilizé idisé inyi mbá ngungu ledre 'bi Kírésito. Togú méngisé go tí kenée yá, azé inyi kése mbá esi sílíze o'buó'bu komo 'yi ga bi ilini ngungu ledre Kírésito wá ní.

7 Sómù ledre nées ogù simísé kenée yí ené gí zía bì ótosé komosé lá òwù ro ledre ga bì ndìshìní mēngì royé do sogo kángá ona ní. Ídísé ówo a bilámáne kídí ndazé ezé káa zí ngíti géyì 'yì ga bì ndìshìní ímí dibìlì kí ledreyé kídí yée niyì 'yì ga bì 'bì Kírésìto ní wá. Azé yí ezé ze mbigì 'yì ga bì 'bì Kírésìto ma'dáa ní. 8 Togù lúrúsé káa zí éyì bì mándìshì ìlì kí úku ledre roko'bù bì Ngére i'bí zíze nées yá, nì bilámáne. I'bí roko'bù nées gí ro zíze 'dódo ledre kí zise, ndaá gí ro ónzóoto sée kée bi wá. Nées sì ledre bì dokuwu mēngì máa gí zía wá ní. 9 Bì goó kenée ní, ndásé sómù a bì kídí mándìshì ésì ngìrì simísé kí wáraga ga bì mándìshì éké yée zise ní wá. 10 Máúku ledre nées kenée, gí zía ngíti géyì 'yì e gí dongarásé ukuní ledre kídí, “Togù Páwulo eké kasa ledre miékékása yá, ledre ga bì uku kasa yée ní niyì kí roko'bùyé. Togù nda do komosé yá, ledre ga bì zía úku a zise kí roko'bùnè kenée ní ndaá.” 11 'Yì ga gére nées ndìshìní úku nées gbékpì ledre. Ledre bì máúku o'bùó'bù simì wáraga ní, nì ídí kpá ledre bì mááyì úku a simì bì máógu go zise íri ní.

12 Otozé ezé ledrezé zía ídínè owóowó káa zí bì ngíti géyì 'yì e ndìshìní mēngì a ní wá, ndìshìní yí eyé nées lá óto royé kí royé kídí ledreyé nì owóowó, rìfunì yí eyé nées mífífo. 13 Ndìshìzé úku òwù ledre moko bì Lomo i'bí zíze ndìshìzé mēngì a gí ro ndéréógumá kée gí zise íri ní. 14 Sì ledre bì zíze ndìshìzé mbófo rozé gí roa ní ndaá. Owozé bú azé ze mizefì 'yì ga bì oguutuní royé kí bilámá ledre 'bì Kírésìto zise ní. 15 Ilizé ezé kpá mbófo

rozé gi ro éyį ga bi ngíti géyį 'yi e menginí ye, káa zį éyį bi mengizé ze ní wá. Mongú óto komozé ni gi ro zį ledre 'bi Lomo ngbóróne simisé zía óto moko ga bi ndišizé méngį yée née ańgané do bi e mbá. ¹⁶ Gi do bi zįze útúásáze ndéréze kí bilámá sanda 'bi Kírésito kpá zį ngíti géyį 'yi ga bi simi ngíti géyį gara e kí'dí bi ngíti géyį 'yi e oguní aka iri wá ní. Ilizé ezé mbófo rozé kí moko bi ngíti géyį 'yi e menginí go simi ngíti géyį gara ní wá. ¹⁷ Miéké kúrú Lomo uku kídí, “Togú 'yi ili mbófo roné yá, idí mbófo roné gi ro éyį ga bi Ngére Lomo ndiši méngį yée ní.” ¹⁸ 'Yi ndaá sómų a bi yaá ledre ga bi née ndiši méngį yée ní utúasání go miútúásá ní wá. Ngére Lomo ndiši ówoyéme miméngį ledre 'bi 'yi bi utúasá go miútúásá ní duų ne.

11

Páwulo ukucayi ledre gi ro 'yi ranga e

¹ Owú 'bi Babá e, togú ni zįse káa zį éyį bi mándiši mbófo romá ní yá, ónzósé aka mimbé'desé zįma ndoo simi ledre řifu máa née. ² Kací kadra mbá ledresé ni zįma owóowó kpá káa zį bi ledresé ni zį Lomo owóowó ní. Máılı idisé idí duų 'yi ga bi 'bi Kírésito ni zįse ndišisé méngį duų ledre ené. ³ Mándiši sómų simimá gi rosé kídí karanée ngíti géyį 'yi e niyí lóndo sée káa zį bi kóo Satána londo Áwa ní, zįse óyó sogosé zį Kírésito. ⁴ Ótosé komosé kįé'do wá gi zį 'di? Simi bi kóo 'dodozé ledre 'bi Ngére Yésu zįse ní, zįse kóo ńgunęu a zį 'Dówų Lomo

kóo go óguné simisé. Bi ba ní ótoómosé bilámá ledre 'bi Lomo bi kóo née go kenée, ndìsìsè nda yì esé go úwú 'dódo ledre bi kpì ngàrá ndaá 'bi Yésu kí 'Dówù Lomo siminé wá ní. ⁵ Abú 'yì ranga ga gére née ukuní ledre kídí yée niyí mbigí 'yìmikása ga bi 'bi Yésu ní yá née ranga, utúasání rómo domá kí ledre wá. ⁶ Abú 'yì ranga ga gére née ndìsìní 'dódo ledre káa éyì bi owo romoní ledre domá ní yá, wo bi ma'díí ní, máówo rómo doyé kí ledre. Ówo yémesé go bilámáne simi ledre ga bi mándìsì 'dódo yée zise ní.

⁷ Ndaá 'bi ené kóo lúyú ledre zíma ndìsímá 'bó'bù romá kí óto úndrusé simi bi mándìsì 'dódo bilámá ledre 'bi Lomo zise lá gbékpíne má'dí'bi éyì gì zise wá ní wá. ⁸ Má'dí'bi gága amá éyì gì zì 'yì e mēngì moko 'bi Kírēsìto kíe dongarásè wá. 'Yì e i'bíní yì eyé éyì e ye kí mimbé'deyé kíé'do. ⁹ Simi bi kóo mááyí dongarásè íri ní, abú lerì ngíti géyì éyì e mēngìní kóo máa ndotó, máómbo amá kóo éyì e gì zise wá. Ngíti géyì 'yì ga bi 'bi Kírēsìto oguní gì simi Mekedoníya ní, i'bíní sáká éyì go zíma. Gì zì keyì née, tónóne karaba ndéréne 'dá'dá, máílí ídí káa do éyì miówó dosé gì ro sáká éyì wá. ¹⁰ Máúku zise ma'díí káa zì bi mááyí 'yìmikása 'bi Kírēsìto ní, ledre bi kóo mándìsì mbófo romá kíe máyá ndásé í'bí éyì sáká máa kíe wá ní, mááyí fú lá ndìsì mbófo a simi Ákaya ona 'yì bi ni úcuómo máa ní ndaá. ¹¹ Ndaá 'bi ené gì zía bi ya 'búse ndaá domá wá ní wá. Lomo owo bú kídí 'búse ni domá kíngaya. ¹² Mááyí ndìsì mēngì moko amá

tí fú káa zí bì lengbe ní. Káa bì 'yì ɾanga ga gére nées nìyí ndìsì mbófo royé kídí moko eyé nì kpá káa zí 'bì ezé ní ke. ¹³ 'Yì ga gére nées ndaní eyé mbigí 'yìmikása ga bì 'bì Kírésìto ní wá, moko eyé ndaá kpá miútúásáne wá. Ndìsìní lá lóndo sée kí úku ledre kídí yée nìyí 'yìmikása 'bì Kírésìto. ¹⁴ Miméngì ledre eyé nées utúasá ówó kací komomá wá, gì zía Satána utúasá kpá bú lóndo roné zí 'yì e, ndìsì lóndo 'yì e kídí nées nì maláyika 'bì Lomo. ¹⁵ Gì zí kenée nées, 'yì ɾanga ga gére nées utúasání yì eyé bú kí roko'bu bì gì zí Satána ní ógù ndìsì 'dódo ledre zí 'yì e káa zí 'yìmikása ga bì 'bì Kírésìto ní. Karanée Lomo nì 'dó'do yée ásáne kpìnì kí miméngì ledre ga gére nées.

Páwulo 'do'dó gì ro ledre 'bì Kírésìto

¹⁶ Mááyí kpá úku ándá zíse, 'yì ndaá sómù a bì ya mándìsì mbófo romá nées mááyí 'yì ɾifu ní wá. Togù nì káa zí mándìsì mbófo romá ní yá, índisé aka mbílìse zíma zíse úwú ledre ga bì mándìsì úku yée ní mbìmbì. ¹⁷ Mámbofo amá romá nées kí sómù ledre bì kídí Ngére ili ne ní wá, máíli máa zíma ídíma káa zí 'yì ɾifu ní. ¹⁸ Káa zí bì ngítì géyì 'yì e ndìsìní mbófo royé gì ro éyì ga bì mēngì yée ye ní. Mááyí kpá ndìsì mbófo romá gì ro moko 'bì Kírésìto bì mándìsì mēngì a ní. ¹⁹ Káa zí bì lúrúsé kídí ásé 'yì ówo ledre e ní, ídíse mu ndìsì ndìsì kótrù rosé fú kí 'yì ɾanga ga gére nées ásé ówo misínyíye. ²⁰ Ówosé ledre wá gì zí 'dì? 'Yì ga bì ndìsìní óto sée káa do owúkùlù eyé e, zíye ndìsìyé lóndo sée kí 'dì'bi éyì esé e ní,

do ndìsiyé kí óngbo komosé kpá drú ní. Éyí bi mēngì sée zise ndá'ba ndìsi ndìsi kótrū rosé kéye ní 'di? ²¹ Mánḡúnḡu go kídí máúku kóo ledre e go zise káa zí 'yì bi owo ledre wá ní káa zí bi ngíti géyì 'yì e somúní ní.

Abú 'yì ranga ga gére née ndìsiní mbófo royé gi ro ledre ga bi ndìsiní mēngì yée née yá, mááyí mbófo romá kpá kenée abú ni zise káa zí ledre řifu ní. ²² Togú ukuní kídí yée niyí gi simi kúfú bi Ébere ní yá, mááyí kpá gi simiyé, togú ya gi simi kúfú Isiréle e yá, mááyí kpá gi simiyé, togú ukuní ya yée niyí gi simi bulúndu Abarayáma yá, mááyí kpá bulúndu Abarayáma. ²³ Togú ukuní ledre zise kídí yée niyí 'yì 'bi moko 'bi Kírésito yá, mááyí úku ledre zise káa zí 'yì bi doa sinyí misinyí ní, mándìsi mēngì moko 'bi Kírésito rómo doyé mbá, do óto ándá máa miótoándá simi sḡḡini, do ndìsiyé ócó máa kíngaya do í'bí zíma 'duo umbu zíma ndìsi ólúógumá gi zíye 'duo gi gu.

²⁴ Kí'dí ìnyì simi ngíti géyì sḡḡi kadra, Yúda ga gére née ndìsiní ócó máa kí sí'dí cḡkérí a doa sokó doa ìnyì doa eso (39). ²⁵ Mḡngburoko 'yì 'bi Róma ocóní máa kí ngbángbá kí'dí ota (3), zí ngíti géyì 'yì e óngbo máa kí tutú e kí'di kéré. Simi ngíti sḡḡi kadra zí kuřúngba 'déwené kḡma kí'dí ota (3), zí bi áráne domá ndre kí ndìsi éle do iní. ²⁶ 'Do'dó ga bi mándiki yée simi gámá ga bi kací moko 'bi Kírésito ní, ngíti géyì niyí ngburu e ndìsiní kí úcu'dútū misi'di e, ngíti géyì yá 'yì ugu e ndìsiní kí tóro 'dútū misi'di e, ngíti géyì yá 'yì amá e kí 'yì lónḡó e ndìsiyé 'dó'do

máa. Ngíti géyì yá zíma ndíki 'do'dó gí zí 'yì ga bì simì gara ní. Zíma kí 'dó'dóma simì yana súwú gí zí ndéré ga bì gbála ní, ngíti géyì yá, gí zí mǐngburoko síli ga bì ndìşì kízì kurúngba do iní ní, ngíti géyì yá gí zí 'yì ga bì ndìşiní óto royé kídí yée niyí 'yì ga bì 'bì Kírésìto ní. ²⁷ Mándìşì méngì moko kí roko'bumá mbá gí ro zíma sáká romá. Ngíti géyì yá 'bì 'di'bi komomá kí ndùlù wá. Ngíti géyì yá zíma ndìşimá kadra teké éyì miánu kí iní oguní taramá wá. Ngíti géyì zíma ndìşì 'dó'dóma gí zí drù gí zí lerì bongó. ²⁸ Simì ledre ga gére née mbá, mongú a mándìşì sómù ledre 'do'dó ga bì ndìşì ndíki 'yì ga bì 'bì Kírésìto ní. ²⁹ Kací kadra mbá mándìşì sómù ledre gí ro yée ga bì roko'bù 'bì Lomo ndaá aka simiyé wá ní gí ro zíma sáká yée, zí mǐmbé'demá ndìşì éşìne miésì gí ro yée ga bì londoní yée go gí ro zíye lúyú ledre ní.

³⁰ Togú mándìşì mbófo romá, ni miútúásáne zíma ndìşì mbófo romá gí ro éyì ga bì mándìşì méngì yée zíşe ndìşìşé lúru máa káa zí mááyì 'yì rifu ní. ³¹ Máúku zíşe ba ma'díi ledre. Lomo bì 'Bù Ngére Yésù, bì ni miútúásáne zí 'yì e ndìşiyé mbófo wo ní owo bú kídí maránga amá řanga wá, mándìşì úku mbigí ledre. ³² Simì bì kóo mááyì simì gara bì Damásika ní, gávana bì kóo ndìşì méngì moko sù şilí mongú ngére bì Aréta ní oto kóo asikíri ené e tara mbotù gara máa née gí do bì zíye 'dí'bi máa. ³³ Gí zí kényì née ní, zíma ékì ndìşimá simì mongú gbété zí ngíti géyì 'yì e éşiógu máa kée kí ká'dá sága gí do bifúó bì ro gara bì o'bóní ro gara máa née ní ní. Née misi'di

bı máómo doa ní.

12

Lomo 'dodo ere zí Páwulo

¹ Nı miútúásáne zıma ndısi mbófo romá, abú máútúásá amá ndıki éyı gı simı a wá ndotó. Ledre ga bı Ngére Yésu 'dodo yée zıma ndısi lúru yée ní, mááyı fú lá ndısi úku ledreyé. ² Máówo bú bilámáne kídı Lomo 'di'bi kóo ngúru 'yı 'bi Kırésıto go gı komo ere 'desı. Kacı ledre máa née mengı simıbi go sokó doa eso (14). Éyı bı máówo'dı'bi wá ní, togú Lomo 'di'bi kóo née kuru'bu a nyé, togú lá lomo roa yá máówo wá. Lomo owo yı ené ne. ³ Ma'dıı éyı bı máówo'dı'bi ní, Lomo 'di'bi kóo wo go. Togú kuru'bu a nyé, togú lá lomo roa yá, Lomo owo ne. ⁴ Lomo 'di'bi kóo wo go gı komo ere simı 'be 'bi rokinyi bı ndısinı ndólo a paradısa ní. Zıma úwú tú'dú ledre e ıri wo bı 'yıma'dı utúasá lıkpı a ne zıse wá ní. ⁵ Togú gı ro ledre mbófo ro 'yı káa zí o'do née yá, née kóo go éyı bı mááyı mbófo romá gı roa ní, tí lá máılı méngı ledre máa wo née wá. Mááyı ndısi gbúrógbó dujú kı ledre máa wo bı kídı mááyı 'yı lúyú ledre ní. ⁶ Abú mááyı kóo mbófo romá yá, ndaá 'bı ené řıfu wá, gı zıa máúku yı amá née ma'dıı ledre. Tı lá máılı amá mbófo romá wá. Máılı 'yı e idını óto komoyé dujú ro ledre bı mándısi mengı a kpá kı úku a zıye ní.

⁷ Gı zıa bı mándısi mbófo ledre ga bı Lomo 'dodo yée zıma ní, zí Lomo ótoómo misi'dı zí Satána óguné ndısi í'bí 'do'dó romá.

8 Máíni ini go zí Ngére Yésu kí'dí ota, idí 'dí'bióyó 'do'dó néesi gí romá 'dá'ba. 9 Zí Kírésito úkulúgu ledre zíma kídí, “Ndá sómú ledre wá, mááyí sáká yí, roko'bumá ni bo kíngaya gí ro sáká 'yí ga bi roko'buyé ndaá ní kée.” Káa zí bi goó kenée ní, mááyí ndísi mbófo romá kíngaya gí zía máówo go kídí Kírésito ni ndísi í'bí roko'bu zíma. 10 Néesi éyí bi mááyí gí zía kí rokinyi ní. Abú roko'bu ndaá romá wá, abú ukucayiní máa, abú 'do'dó ndiki máa ba káa zí 'díya, abú kpá umbu, mááyí ngúngu éyí ga gére néesi mbá gí zía mááyí 'yí 'bi Kírésito. Abú ni káa zí roko'bumá ndaá yá, roko'bumá ni bo.

Sómú ledre 'bi Páwulo gí ro 'yí ga bi 'bi Koríndo ní

11 Ni zíma komokenyí zíma ndísimá ódromá gí romá káa zí 'yí rifu ní, ndaá káa do ledre wá, ótosé máa sée zíma ndísi ódromá kenée. Ásé kóo idí se 'yí ndísi úku yéme ledre gí romá. Abú mááyí kenée yá, ndaá 'bi ené bi yaá 'yí ranga ga gére néesi romoní domá ní wá, márómo doyé simi miméngi ledre e. 12 Simi bi kóo mááyí dongarase íri ní, mándísi kóo méngi mbá éyí ga bi kí roko'buyé 'dodoní kídí ma'díi, mááyí 'yimikása 'bi Kírésito mándísi útusimimá miútu. 13 Togú lúrúsé kóo káa zí éyí bi 'búse ndaá domá wá gí zía bi mándú'yú sée gí ro zise sáká máa wá káa zí bi mándísi ndú'yú ngíti géyí 'yí ga bi 'bi Kírésito ní wá ní, idíse ótoómo ledre zíma.

14 Ba ní sindí kadra ogú go gí ro ota ngásáogumá lúru sée íri. Máútúásá idí káa do

éyì miówó dosé gí ro zíse sáká máa wá. Mongú ledre amá nì gí ro sáká sée gí do bì zí ledre 'bì Kírésìto ngbóróne simisé. Gí zía mááyí 'bùsé simì Lomo. Ówosé bú bilámáne kídí minzéré owù e sakání eyé 'yì ndíki yée ye wá, 'yì ndíki yée ndìshíní sáká yée ye gí ro zíye ngbóróye. ¹⁵ Gí zí kényì nées ní, mááyí í'bí éyì ga bì zíma ní za mbá ndìshì sáká sée kíe zíma kpá í'bí cù kuru'bumá zí rìkì 'do'dó e gí ro sáká sée. Sara togù máméngì éyì e go gí rosé kenée ní, útúásásé gbawá óto 'búma cùku'dée? ¹⁶ Ma'díi, tù'dù ngítì géyì 'yì e gí dongarásé owoní bú kídí simì bì kóo mááyí zíse íri ní, mándá 'bì amá kóo éyì miówó dosé zíse ndìshì sáká máa wá. Abú kenée ndotó, ngítì géyì 'yì e ndìshíní kóo fú uku ledre kídí mándìshì kóo 'dì'bi éyì e gí zíse simì ugu roné. ¹⁷ Abú gba 'yì ga bì kóo mákása yée zíse íri ní, 'dì'biní kóo eyé éyì e gí zíse ógù kíe zíma wá. ¹⁸ Mákása kóo Tító e kí ngítì 'yì lódù kací Yésù zíse íri. Miméngì ledre ezé kí ya'dá ga gére nées nì yì ené kóo mbá kíe'do, bikérì 'yì bì gí dongaráye 'dì'bi kóo éyì e go gí zíse ní ndaá.

¹⁹ Ledre bì mááyí úku a ba, ndásé sómù a bì kídí ndìshìzé nées ítí kangúze gí zía bì ngítì géyì 'yì e ukuní kídí 'dì'bizé kóo éyì e go gí zíse ní wá. Ukuzé zíse mbigí ledre do komo Lomo gí zía azé mbigí 'yì ga bì 'bì Kírésìto Yésù ní. Ilizé sáká sée gí do bì zíse ídise mbigí 'yì ené e. ²⁰ Mándìshì yáa sómù simimá gí rosé gí ro ledre ga kóna mándìshì 'dódo yée zíse ní. Simì bì mááyí ógù zíse íri ní, máógundíki amá lolù gú sée do misì'di 'bì Kírésìto káa zí kóo má'dódo

zįse nį wá. Ngíti gęyį 'yį e gi dongaráse niyį nda yį eyé ba íri go ndįsį ófų dongaráye kį lafúye, kį óto 'bų éyį 'bį lafúye doye, kį ledre 'bį rará dongaráye, zįye ndįsį kį ífi dongaráye kį lafúye 'yį ga bi 'bį Kírėsįto ní, kį řanga óto řanga ro lafúye, kį lįlįkpį dongaráye, kį ndįsį óto royé kídį yée oworomonį ledre gi do lafúye, nda kpá kį úkuóto ledre ga bi zįa ífi dongaráye ní. ²¹ Mándįsį kpá sómų ledre kídį, simi bi mááyį ógų zįse íri ní, mááyį ídį kį mongų dokuwu kó'dų Lomo. Gi zįa tų'dų ngíti gęyį 'yį ga bi kóo luyúnį ledre ní, oyólo'bónį eyé aka sómų ledre eyé zįye ndá'baóguyé zį Lomo fų lá wá. Niyį aka yį eyé fų lá ndįsį męngį ledre 'bį dukuwu 'bį ndįsį męngį 'berį.

13

Páwulo mada 'yį 'bį Kírėsįto ga bi simi Korįndo ní

¹ Ídísé ówo a kídį ba go ota miógumą gi ro lúrú sée íri. “Ledre ga bi za mbá ásé ótoyéme yée dongará 'yį kį ezené ní idį idį do komo 'yį e gbre togų mbų ota.” ² Máésį kóo sįlįma go komosé simi gbre miógumą bi kóo íri ní. Mááyį ba go kpá ésį ándá sįlįma komosé abų mándá aka íri wá. Simi bi mááyį ógų íri ní, mááyį í'bį 'do'dó ro 'yį ga bi kóo luyúnį ledre go ní. ³ Idį idį miówoné zįse kídį, Kírėsįto ndįsį úku ledre ga gére née ne kpųrų gi simimá zįse. Ndaá 'bį ené bi kídį roko'bų ndaá zįa męngį ledre kįe wá ní wá.

Roko'bụa romo do ledre e mbá. ⁴ Abú ufuní kóo Yésu káa zí 'yì bí roko'bụa ndaá ní yá, Lomo ili ne kenée. Zí Lomo kóo go úru wo kí roko'buné. Zée 'yì ené e azé kpá cé káa zía ní, Lomo ni í'bí roko'bụ zíze káa zí bí kóo i'bí roko'buné zía ní gí ro zíze ndịsịzé sáká sée kíe.

⁵ Ídísé lúrú miméngì ledre esé e bilámáne, togú niyí bilámáye yá kídí ñgúnğusé ledre 'bì Kírésìto Yésu go, ásé kéne go éyì kíé'do. ⁶ Másómù ówoyémesé go bilámáne kídí azé mbigí 'yì 'bì moko ga bì 'bì Kírésìto ní. ⁷ Ndisịzé ini ini zí Lomo idí ndịsị sáká sée gí do bì zise ndịsịsé méngì mbá ledre ga bì niyí miútúásáye ní. Ukuzé ezé ledre née kenée gí zía bì yaá azé bilámá 'yì e ní wá. Ilizé gí ro zise ndịsịsé méngì ledre ga bì niyí bilámáye ní, abú ngíti géyì 'yì e gí dongarase lurúní zée káa zí moko ndaá simizé wá ndotó. ⁸ Ilizé yì ezé ndịsị méngì dujú mbigí ledre ga bì Kírésìto ili yée ní, káa bì azé ndịsị méngì ledre bì ngára ndaní eyé ma'díi ledre e wá ní ke. ⁹ Azé kí rokinyi abú 'yì e lurúní zée káa zí roko'bụ ndaá zíze wá, owozé go bilámáne kídí ñgúnğusé ledre 'bì Kírésìto bì 'dodozé zise ní go. Azé ndịsị ini ini gí rosé gí ro zise útúásáse kací komo a káa do mbigí 'yì ené e. ¹⁰ Née sị ledre bì máéké ledre ba kása zise énzì komosé kíe ní. Simi bì mááyí ógụ zise íri ní, mááyí ógundíki sée fú ndịsị méngì ledre ga bì utúasání miútúásá ní. Gí zía roko'bụ bì Ngere Yésu i'bí zíma ní, ndaá gí ro zíma ndịsị 'dó'do sée kíe wá, ni gí ro sáká sée.

Odu mandá gí zí Páwulo

¹¹ Owú 'bì Babá e, ba go odu kúrúma zíse. Ídísé ndíṣì bilámáne. Zíse óto komosé ro ledre ga bì máúku yée zíse ní, gí ro zí ndíṣì esé kí lafúse ídíne bilámáne. Mááyí íni ini gí rosé zí Lomo idí óto 'bú lafúse dosé gí do bì zíse ndíṣìsé bilámáse.

¹² Ídísé ndíṣì í'bí mandá dongaráse kí lafúse kí 'búne. ¹³ 'Yì 'bì Kírésìto ga bì azé kéye yáa ní, í'bí mandá zíse íri kíngaya.

¹⁴ Sáká éyí 'bì Ngére ezé Kírésìto Yésu, kí óto 'bú 'yì e bì 'bì Lomo ní, kí kéyì lámá 'bì 'Dówú Lomo idí ídí kíze cakaba za fí.

MIKÁNDA LORU 'BI LOMO KÍ DOSÍ ÉYÍ E
Baka: MIKÁNDA LORU 'BI LOMO KÍ DOSÍ ÉYÍ E New
Testament+

copyright © 2016 Wycliffe Bible Translators, Inc.

Language: Baka

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

9ebc1b62-650d-5302-9391-27a31d140102